



Broj: 16-12-16-2-7073-~~30~~20
I. Sarajevo, 16.03. 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 05.03.2021. godine, nakon provedenog postupka po Rješenju Ureda za razmatranje žalbi broj JH2-01-07-1-115-7/21 od 27.01.2021. godine, na preporuku Komisije za provođenje postupka nabavke goriva za motorna vozila Državne agencije za istrage i zaštitu broj 16-12-16-7073/20 od 15.03.2021. godine, u postupku javne nabavke goriva za motorna vozila Državne agencije za istrage i zaštitu za LOT 2 i LOT 3, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
goriva za motorna vozila Državne agencije za istrage i zaštitu za LOT 2 i LOT 3

Član 1.

U postupku javne nabavke goriva za motorna vozila Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za provođenje postupka nabavke goriva za motorna vozila Državne agencije za istrage i zaštitu broj 16-12-16-7073/20 od 15.03.2021. godine (u daljem tekstu: Komisija), okvirni sporazum za period od tri godine, dodjeljuje se za:

- LOT 2 - Nabavka goriva na području Istočnog Novog Sarajeva i Istočne Ilidže, ponuđaču „NESTRO PETROL“ a.d. Banja Luka, ponuda broj 16-12-16-7073-8/20 od 14.12.2020. godine, za ponudenu cijenu u iznosu od 584.494,65 KM bez uračunatog PDV-a sa uračunatim popustom od 10%.

- LOT 3 - Nabavka goriva na području Banja Luke, ponuđaču „NESTRO PETROL“ a.d. Banja Luka, ponuda broj 16-12-16-7073-8/20 od 14.12.2020. godine, za ponudenu cijenu u iznosu od 51.245,66 KM bez uračunatog PDV-a sa uračunatim popustom od 10%.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-7073-1/20 od 26.10.2020. godine pokrenut je postupak javne nabavke goriva za motorna vozila Agencije, procijenjene vrijednosti 1.080.000,00 KM bez uračunatog PDV-a, za koji je obavještenje o javnoj nabavci broj 1161-1-1-250-3-45/20 objavljeno na Portalu Agencije za javne nabavke 29.10.2020. godine i u „Službenom glasniku BiH“, broj 71/20. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20) i Dokumenta okvirnog budžeta 2021.-2023. godina. Za navedeni postupak javne nabavke predviđeno je provođenje e-aukcije u skladu sa Pravilnikom o uslovima i načinu korištenja e-aukcije (u daljem tekstu: Pravilnik). Predmet javne nabavke podijeljen je na pet lotova.

Na preporuku Komisije donesena je Odluka o izboru najpovoljnijeg ponuđača u postupku javne nabavke goriva za motorna vozila Agencije broj 16-12-16-7073-11/20 od 22.12.2020. godine i okvirni sporazum na period od tri godine dodijeljen i to za:

- LOT 1 - Nabavka goriva na području Sarajeva i Ilidže, ponuđaču „NESTRO PETROL“ a.d. Banja Luka, ponuda broj 16-12-16-7073-8/20 od 14.12.2020. godine, za ponuđenu cijenu u iznosu od 51.048,00 KM bez uračunatog PDV-a sa uračunatim popustom od 10%;

- LOT 2 - Nabavka goriva na području Istočnog Novog Sarajeva i Istočne Ilidže, ponuđaču „HIFA-PETROL“ d.o.o. Sarajevo, ponuda broj 16-12-16-7073-6/20 od 14.12.2020. godine, za ponuđenu cijenu u iznosu od 517.567,05 KM bez uračunatog PDV-a sa uračunatim popustom od 1%;

- LOT 3 - Nabavka goriva na području Banja Luke, ponuđaču „HIFA-PETROL“ d.o.o. Sarajevo, ponuda broj 16-12-16-7073-6/20 od 14.12.2020. godine, za ponuđenu cijenu u iznosu od 47.216,96 KM bez uračunatog PDV-a sa uračunatim popustom od 1%;

- LOT 4 - Nabavka goriva na području Mostara, ponuđaču „HIFA“ d.o.o. Tešanj, ponuda broj 16-12-16-7073-7/20 od 14.12.2020. godine, za ponuđenu cijenu u iznosu od 51.500,00 KM bez uračunatog PDV-a sa uračunatim popustom od 5%;

- LOT 5 - Nabavka goriva na području Tuzle, ponuđaču „NESTRO PETROL“ a.d. Banja Luka, ponuda broj 16-12-16-7073-8/20 od 14.12.2020. godine, za ponuđenu cijenu u iznosu od 51.346,00 KM bez uračunatog PDV-a sa uračunatim popustom od 10%.

Ponuđač „NESTRO PETROL“ a.d. Banja Luka, putem punomoćnika Jovane Radić Kremenović, iz Banja Luke (u daljem tekstu: žalitelj), dana 04.01.2021. godine uložio je žalbu na Odluku o izboru najpovoljnijeg ponuđača u postupku javne nabavke goriva za motorna vozila Agencije za LOT 2- Nabavka goriva na području Istočnog Novog Sarajeva i Istočne Ilidže i LOT 3 - Nabavka goriva na području Banja Luke, zbog pogrešne primjene materijalnog prava i nepotpuno utvrđenog činjeničnog stanja. U žalbi navodi da je ugovorni organ prihvatio ponude ponuđača „HIFA-PETROL“ d.o.o. Sarajevo za LOT 2 za ponuđenu cijenu 517.567,05 KM bez uračunatog PDV-a sa uračunatim popustom od 1% i za LOT 3 za ponuđenu cijenu 47.216,96 KM bez uračunatog PDV-a sa uračunatim popustom od 1%, a da prethodno nije utvrdio stvarnu maloprodajnu cijenu naftnih derivata na dan 29.10.2020. godine u skladu sa tačkom 14. Tenderske dokumentacije. Žalitelj je naveo da je ugovorni organ prilikom donošenja odluke o izboru najpovoljnijeg ponuđača bio u obmani i da nije utvrdio stvarnu maloprodajnu cijenu naftnih derivata.

Agencija je u skladu sa odredbama člana 222. Zakona o upravnom postupku (»Službeni glasnik BiH«, br. 29/02, 12/04, 88/07, 93/09, 41/13 i 53/16), utvrdila da je žalba dopuštena, blagovremena i izjavljena od strane ovlaštenog lica.

Komisija je u Izjašnjenju broj 16-12-16-7073-19/20 od 11.01.2021. godine osporila žalbene navode žalitelja u postupku javne nabavke goriva za motorna vozila Agencije za LOT 2 i LOT 3, navodeći da je shodno članu 3. Zakona postupila transparentno i osigurala pravičnu i aktivnu konkurenciju u cilju najučinkovitijeg korištenja javnih sredstava u vezi sa predmetom javne nabavke. Komisija je pravilno primjenila materijalno pravo i utvrdila činjenično stanje kada je prihvatila ponudene maloprodajne cijene naftnih derivata na području Istočnog Novog Sarajeva i Istočne Ilidže i na području Banja Luke izabranog ponuđača „HIFA-PETROL“ d.o.o. Sarajevo za LOT 2 i LOT 3, koji je uredno dostavio fiskalne račune naftnih derivata na dan 29.10.2020. godine, a koji su utvrđeni na osnovu Odluke o utvrđivanju kalkulacije cijene goriva za benzinsku pumpu Istočno Sarajevo broj 2436-2/PR/20 od 28.10.2020. godine i Odluke o utvrđivanju kalkulacije cijene goriva za benzinsku pumpu Banja Luka broj 2435-2/PR/20 od 28.10.2020. godine. Navedene odluke je donio direktor „HIFA-PETROL“ d.o.o. Sarajevo na osnovu Statuta društva. Prema navedenoj odluci ponuđač „HIFA-PETROL“ d.o.o. Sarajevo za LOT 2 na benzinskoj pumpi u Istočnom Sarajevu na adresi Vojvode Radomira Putnika 121 ponudio je maloprodajnu cijenu za DIESEL BAS EN 590 (10 ppm) ED5 u iznosu od 1,43 KM, a za PREMIUM BEZOLOVNI BENZIN BAS EN 228 cijenu u iznosu od 1,79 KM, dok je za LOT 3 na benzinskoj pumpi u Banja Luci na adresi Knjaza Miloša bb ponudio maloprodajnu cijenu goriva za DIESEL BAS EN 590 (10 ppm) ED5 u iznosu od 1,43 KM, a za PREMIUM BEZOLOVNI BENZIN BAS EN 228 cijenu u iznosu od 1,84 KM.

Agencija je u skladu sa članom 100. stav (5) Zakona o javnim nabavkama (“Službeni glasnik BiH”, broj 39/14)(u daljem tekstu: Zakon), žalbu zajedno sa Izjašnjenjem broj 16-12-16-7073-19/20 od 11.01.2021. godine kao i kompletnom dokumentacijom dostavila Uredu za razmatranje žalbi, na dalje postupanje.

Kako su se žalbeni navodi žalitelja odnosili na visinu jedinične cijene naftnih derivata ponuđača „HIFA-PETROL“ d.o.o. Sarajevo na dan 29.10.2020. godine, Agencija je naknadno nakon dostavljanja Izjašnjenja Uredu za razmatranje žalbi od nadležnog organa - Ministarstva trgovine i turizma Republike Srpske aktom broj 16-12-16-7073-20/20 od 08.01.2021. godine tražila podatke o maloprodajnoj cijeni goriva ponuđača „HIFA-PETROL“ d.o.o. Sarajevo na dan 29.10.2020. godine za LOT 2 i LOT 3 na benzinskim pumpama u Istočnom Sarajevu i Banja Luci. Ministarstvo trgovine i turizma Republike Srpske aktom broj 14.06/1-052-143/21 od 12.01.2021. godine dostavilo je odgovor u kojem je navedeno da je maloprodajna cijena naftnih derivata (DIESEL BAS EN 590 (10 ppm) ED5 i PREMIUM BEZOLOVNI BENZIN BAS EN 228) na dan 29.10.2020. godine na benzinskim pumpama u Istočnom Sarajevu, na adresi Vojvode Radomira Putnika 121 i u Banja Luci, na adresi Knjaza Miloša bb iznosila 1,84 KM.

Agencija je Uredu za razmatranje žalbi dostavila Dopunu Izjašnjenja broj 16-12-16-7073-22/20 od 14.01.2021. godine uz koji je dostavila Akt Ministarstva trgovine i turizma Republike Srpske broj 14.06/1-052-143/21 od 12.01.2021. godine, radi donošenja konačne odluke.

Rješenjem broj JH2-01-07-1-115-7/21 od 27.01.2021. godine Ured za razmatranje žalbi uvojio žalbu ponuđača „NESTRO PETROL“ a.d. Banja Luka i poništio Odluku broj 16-12-16-7073/20 od 22.12.2020. godine za LOT 2 i LOT 3, te predmet vratio prvostepenom organu na ponovni postupak, radi ponovnog utvrđivanja činjenica u pogledu fiskalnih računa ponuđača koji su učestvovali u postupku javne nabavke goriva na dan 29.10.2020. godine.

Postupajući po Rješenju Ureda za razmatranje žalbi, Komisija je u ponovnom postupku, ocjenom svih dokaza zajedno, posebno cijeneći Akt Ministarstva trgovine i turizma Republike Srpske broj 14.06/1-052-143/21 od 12.01.2021. godine, utvrdila da cijena goriva ponuđača „HIFA-PETROL“ d.o.o. Sarajevo na dan 29.10.2020. godine na benzinskim pumpama u Istočnom Sarajevu, na adresi Vojvode Radomira Putnika 121 i Banja Luci na adresi Knjaza Miloša bb iznosila 1,84 KM, iz čega se može zaključiti da je ponuđač „HIFA-

PETROL“ d.o.o. Sarajevo u ponudi za LOT 2 i LOT 3 dostavio druge podatke o maloprodajnoj cijeni naftnih derivata na dan 29.10.2021. godine od onih koji su navedeni u Aktu Ministarstva trgovine i turizma Republike Srpske broj 14.06/1-052-143/21 od 12.01.2021. godine.

Članom 3. stav (1) Pravilnika o obliku obrasca i sadržaju podataka o trgovini, trgovinskoj mreži, cijenama, promjeni cijena robe i usluga i zalihama i marži (“Službeni glasnik Republike Srpske”, broj 48/20), propisano je da trgovci koji obavljaju trgovinsku djelatnost trgovine na veliko i trgovine na malo naftnim derivatima dostavljaju Ministarstvu trgovine i turizma obavještenja o cijenama i promjeni cijena naftnih derivata, dok je članom 8. stav (2) navedenog pravilnika propisano da podatke o promjeni cijena naftnih derivata trgovci dostavljaju najkasnije narednog dana od dana promjene nove cijene. Imajući u vidu naprijed navedeno, ponuđač „HIFA-PETROL“ d.o.o. Sarajevo je bio dužan dostaviti nadležnom organu - Ministarstvu trgovine i turizma Republike Srpske cjenovnik maloprodajnih cijena naftnih derivata na benzinskim pumpama u Istočnom Sarajevu, na adresi Vojvode Radomira Putnika 121 i Banja Luci na adresi Knjaza Miloša bb na dan 29.10.2020. godine.

Komisija je u postupku donošenja odluke o izboru najpovoljnijeg ponuđača za LOT 2 i LOT 3, bila uskraćena za tačnu cijenu naftnih derivata na dan 29.10.2020. godine, isključivo zbog činjenice što je ponuđač „HIFA-PETROL“ d.o.o. Sarajevo u okviru ponude dostavio dokument koji je različit od onog koji je bio obavezan dostaviti.

S obzirom na naknadno utvrđene činjenice u ponovnom postupku javne nabavke goriva za motorna vozila Agencije za LOT 2 i LOT 3, Komisija ponudu ponuđača „HIFA-PETROL“ d.o.o. Sarajevo za LOT 2 i LOT 3 nije uzela u dalje razmatranje.

Budući da je Tenderskom dokumentacijom za postupak javne nabavke goriva za motorna vozila Agencije za LOT 2 i LOT 3 predviđeno provođenje e-aukcije u skladu sa Pravilnikom, da je Komisija prihvatila samo jednu prihvatljivu ponudu za LOT 2, Komisija u smislu člana 3. stav (3) Pravilnika nije zakazivala e-aukciju, već je postupak okončala u skladu sa odredbom člana 69. Zakona, primjenjujući kriterij najniže cijene tehnički zadovoljavajuće ponude iz tačke 21. Tenderske dokumentacije i sačinila rang listu ocijenjene ponude, kako slijedi:

R/B	Naziv ponuđača	Vrijednost ponude (bez PDV-a)
1.	„NESTRO PETROL” a.d. Banja Luka	584.494,65 KM sa uračunatim popustom od 10%

Komisija je u ponovnom postupku utvrdila da su za LOT 3- Nabavka goriva na području Banja Luke 3 zaprimljene dvije prihvatljive ponude, to je Agencija aktom broj 16-12-1-7073-26/20 od 01.03.2021. godine od Agencije za javne nabavke tražila ponovno zakazivanje e-aukcije u skladu sa članom 7. st. (4) i (5) Pravilnika za LOT 3 u kojoj su učestvovali sljedeći ponuđači i to: „NESTRO PETROL” a.d. Banja Luka čija vrijednost ponude iznosi 51.349,08 KM bez uračunatog PDV-a sa uračunatim popustom od 10% i “PETROL BH OIL COMPANY” čija vrijednost ponude iznosi 60.540,00 KM bez uračunatog PDV-a.

S tim u vezi, Agencije za javne nabavke zakazala je e-aukciju za dan 05.03.2021. godine u 12,00 sati u trajanju od 20 minuta.

Prema Izvještaju o toku i završetku e-aukcije od 05.03.2021. godine za LOT 3 Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„NESTRO PETROL” a.d. Banja Luka	51.245,66 KM sa uračunatim popustom od 10%	1
2.	“PETROL BH OIL COMPANY” d.o.o. Sarajevo	51.297,00 KM	2

Nakon provedenog postupka e-aukcije, shodno Izvještaju o toku i završetku e-aukcije od 05.03.2021. godine, Komisija je utvrdila da je za LOT 3 bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Cijeneći naprijed navedeno, utvrđeno je da je ponuda ponuđača „NESTRO PETROL” a.d. Banja Luka ocijenjena kao najpovoljnija ponuda za LOT 2 i LOT 3, da ista ne podliježe primjeni preferencijalnog tretmana domaćeg, te da ne premašuje procijenjenu vrijednost javne nabavke.

Shodno navedenom, prihvaćen je prijedlog Komisije i odlučeno da se okvirni sporazum na period od tri godine u postupku javne nabavke goriva za motorna vozila Agencije za LOT 2 i LOT 3 dodjeli ponuđaču „NESTRO PETROL” a.d. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

